

... etiam eis cuiuslibet litterarum nichil si la...
... nuntiatur, quia non nisi etiam illius est
... dicitur omnes huiusmodi. **3. Sicut**
CONTROVERSIARUM

DE PÆNITENTIA

LIBER TERTIUS

IN QUO DE CONFSSIONE DISSERRITUR.

De Contritione, quæ prima pars est Sacramenti Pœnitentiae, disserimus libro superiori: sequitur, ut de secunda parte, quæ Confessio dicitur, disseramus. In qua controversia explicata hic ordo servabitur, ut primo loco referantur errores, qui de hac re versantur inter adversarios. *Deinde*, sententia Catholice Ecclesie ex divinis litteris confirmetur. *Tertio*, proferantur sanctiones et decreta Conciliorum. *Quarto*, testimonia veterum Patrum. *Quinto*, rationes variae. *Potestremo*, argumenta adversariorum proponantur, et dissolvantur.

quo nunc Lutherani confiteri peccata coram suis Ministris solent.

Messaliani quoque iisdem temporibus exorti (Damasceno teste, in libro de centum heresibus) peccata dimittebant, nulla habita ratione Pœnitentie, et canonum Ecclesie.

Postmodum Joannes Wiclefus (teste Thomas Waldensi tom. 2. de Sacramentis cap. 135.) Confessionem Sacramentalem aperte oppugnare coepit, asserens eam neque in Scripturis fundari, et ex sola institutione papali introductam esse.

Exstitit etiam ante annos circiter centum, quidam Petrus Oxoniensis, qui Confessionem peccatorum in specie, affirmabat non esse de Jure divino, sed ex aliquo statuto, universalis Ecclesie: de quo vide summam Confessionem in decretis Sixti Pap. IV.

Nostro seculo in eodem errore versati sunt Erasmus Roterodamus, et B. Rhenanus. Ille, in Annot. ad epist. S. Hieronymi ad Oceanum de obitu Fabiole, et in annotatione ad cap. 19. Actor, et in Methodo Theo-

logie; hic, in annotationibus ad librum Tertulliani de Pœnitentia: uterque enim docet, Confessionem secretam singulorum peccatorum, non modo non esse jure divino institutam, aut imperatam, sed neque in usu antiquæ Ecclesie fuisse.

Porro Lutherani, et quotquot ab illis sectæ Hæreticorum exortæ sunt, licet varie sentiant de Confessione, omnes tamen in eo convenient, ut non sit necessarium omnium peccata Sacerdotibus confiteri: ex quo illud etiam sequitur, ut Confessio integra peccatorum, qualis in Ecclesia Catholica exigitur, solet.

Martinus Lutherus in lib. de captiv. Babylon. cap. de Pœnitentia scribit quidem Confessionem secretam, que modo celebratur, sibi valde placere, et esse utilem, vel potius necessariam: tamen addit tres errores. Primo, non posse eam probari ex Scripturis. Secundo, non esse necessarium confiteri omnia sacerdotibus. Si quis enim corruptus a fratre, quem forte lasit, agnoscat coram illo peccatum suum, et veniam petat, doctet Lutherus, eum non teneri peccatum illud sacerdotibus aperire. Tertio, damnat omnino eos, qui docent circumstantias peccatorum in Confessione esse detegendas: «Ego, inquit, quidquid est circumstantiarum, consulerim penitus contemnere. »

Item in serm. de Pœnitentia, docet non esse confienda venialia, nec omnia mortalia, sed ea tantum quæ sunt manifeste mortalia. Ex quo loco de prompti sunt articuli, quos Leo X. damnavit. Nam art. 8. negat omnia peccata, mortalia esse confitenda, et addit, in antiqua Ecclesia, sola peccata manifeste mortalia ad Confessionem adduci consueisse: et art. 9. scribit, dum volumus pure omnia confiteri, nos nihil aliud facere, nisi ut misericordia Domini nihil ignoscendum relinquamus: et in assertione ejusdem articuli, carnificinam cruentissimam appellat, si quis a pœnitentibus omnium, et singulorum peccatorum confessionem exigat.

Dubitari solet, quid per manifesta peccata, que sola ad Confessionem pertinere volunt Lutherus, intellexerit: non enim defuerunt olim, qui cum excusare vellent. Aut igitur manifesta peccata occulis opposuit, aut dubius, aut omnino incognitis etiam ipsi peccator. De omnino incognitis non potest esse locutus, eam siquidem ne Catholicis quidem volunt esse confitenda: neque carnificinam Lutherus appellasset sententiam Catholicorum, si in eadem sententia etiam ipse fuisset. De occulis non se etiam locutum, testatur ipse in assert. artic. 8. quare id solum restat, ut de dubiis intellexerit: qui certe non parvus est error.

Idem in serm. de Confess. et Eucharistia, edito anno 1519, dicit, Confessionem que fit coram Sacerdote, non esse præceptam a Deo, sed a Papa. Item in libro de ratione confitendi, cap. 6, valde dubitat, an peccata cordis sint confitenda. Item in libro contra Latomum, anno 1521: « Nego, inquit, in totum Confessionem esse exigendam »; et in sermone de Eucharistia, anno 1526, neminem vuln cogit ad Confessionem faciendam. In visitatione Saxonica, anno 1528, iterum repeatit, Confessionem non esse præceptam, licet sit utilis. Denique in articulis Smalehaldis, anno 1527, in articulo de Confessione, dicit, enumerationem peccatorum debere esse liberam, ut quisque numeret illa, que volunt.

Joannes OEcolampadius librum scripsit, quod Confessio non sit onerosa Christiano: sed non agnoscat Confessionem a Deo præceptam, imo ne ab Ecclesia quidem, nisi manifestorum criminum.

Philippus Melanchthon in ipsa Confessione Augustana, art. de Confessione: « De confessione peccatorum, inquit, docent nostri, quod Absolutio privata in Ecclesiis refinenda sit, quamquam non sit necessaria delictorum enumeratio: est enim impossibile enumeratio omnium delictorum, juxta illud: Delicta quis intelligit? » Hec ille, qui quavis ex ratione quam affert, eam solum enumerationem non necessariam esse significare videatur, quæ est omnium peccatorum, sive ea cognoscantur a nobis, sive ignorantur, tamen sine dubio reprehendere voluit enumerationem illam, quæ est in usu Catholicæ Ecclesie, videlicet omnium peccatorum, quæ post examen animo occurrunt. Nam in Apologia articuli de Confessione et Satisfactione, sumpsi repetit, enumerationem quæ modo fit, et quæ erat apud veteres, non esse necessariam jure divino: « Porro, inquit, adversari nostri multos doctores receptissimos damnabant, si contendent, enumerationem delictorum in Confessione necessariam esse jure divino. Quamquam enim Confessionem probamus, et quamdam examinationem prodesse judicamus, ut instituti homines melius possint, tamen ita moderanda res est, ne conscientiis injiciantur laquei, quæ nun-

quam erunt tranquilla, si existimabunt, se non posse consequi remissionem peccatorum, nisi facta illa scrupulosa enumeratione. » Idem in Examine ordinandorum, ubi de Confessione agit: « Nulla, inquit, enumeratio delictorum necessaria est, quia manifestum est, nusquam extare preceptum divinum de enumeratione singulorum. » Similia habet in Locis communibus, titulo de Confessione, ubi tamen utilem esse judicat aliquam enumerationem, et idcirco satis prolixie instituit methodum discutiendi conscientiam per omnia praecpta decalogi.

Jannes Calvinus lib. m. Institut. cap. 4. §. 7: « Miror, inquit, qua fronte ausint contendere, Confessionem, de quo loquuntur, juris esse divini: cuius equidem vetustissimum usum esse fatemur; sed quem facile evincere possumus olim fuisse liberum. » Deinde §. 11. admittit Confessionem generalem, quam Minister pro se et populo in Ecclesia faciat. Et §. 12 admittit etiam Confessionem privatam coram Pastore, quando quis ita angit et afflictatur peccatorum sensu, ut se explicare nisi alieno adjutorio nequeat; sed addit hanc moderationem: Hinc sequitur, inquit, ejusmodi Confessionem liberam esse opportere, ut non ob omnibus exigatur, sed in tantum commendetur, qui ea se opus habere intelligent. Deinde ne ii ipsi, qui illa utuntur pro sua necessitate, ad enumeranda omnia peccata vel precepto aliquo cogantur, vel arte inducantur: sed quoad interesse sua putabunt, ut solidum consolationis fructum referant. » Denique §. 19. de Confessione, qualis fit apud Catholicos: « Nihil, inquit, mirum si auricularem istam Confessionem, rem adeo pestilenter, totque nominibus Ecclesie noxiā, dannamus, ac sublatam et medio cupimus. »

Martinus Kemnitius in 2. par. Exam. cap. 3. de Penitentia, pag. 976. et sequentibus de Confessione disputat; sed pag. 121. ita explicit usum Confessionis, quem apud suos observari dicit: « Private, inquit, Confessionis usus apud nos servatur, ut generali professione peccati, et significacione Penitentiae petatur absolutio. Cumque non sine iudicio usurpanda sit Clavis, vel solvens, vel ligans, in privato illo colloquio pastores explorant auditorum iudicia, an recte intelligent doctrinam de peccatis exterioribus et interioribus de gradibus peccatorum, de sti-

pendio peccati, de fide in Christum: deducuntur ad considerationem peccatorum: explorantur an serio doleant de peccatis, an iram Dei timeant, et cupiant illam effugere, an habeant propositum emendationis: interrogantur etiamsi in certis quibusdam peccatis herere existimantur: traditur illis doctrina, et exhortatio de emendatione, queritur vel consilium, vel consolatio in gravaminibus conscientiae: et tali Confessioni imperatur Absolutio. » Haec ille, qui non solum a Catholicismo ritu, sed etiam a Lutheri, et Melanchthonis, quos magistris habere se gloriantur, doctrina longe abesse videtur. Illi enim Confessionem peccatorum in specie faciendam esse docent, licet non omnium, neque ex legi divinae precepto: at Kemnitius generali confessione, et penitentis instructione contentus est.

Eadem generali confessione, ac penitentis instructione contentus est Joannes Brenetus in Confessione Würtembergensi artic. 41 de Confessione; et alii, quos longum esset, et minime necessarium enumerare.

CAPUT II.

*Probatur Confessionis necessitas
ex Evangelio.*

Adversus omnes jam notatos errores, Concilium Tridentinum sess. 14. cap. 5. et can. 6. 7. et 8. non solum declarat, Confessionem omnium peccatorum mortalium jure divino necessariam esse iis, qui post Baptismum in peccata labuntur; sed etiam anathema dicit iis, qui contra ausi fuerint disputare.

Quam veritatem ex verbis Domini comprobatur, ad hanc ratioinationem, totam vim divinorum testimoniorum revocandam esse censui: Qui mortali peccato se obstrinxerunt, tenentur jure divino Penitentiam agere, et reconciliationem cum Deo quere: sed medium necessarium ad reconciliationem post Baptismum, est confessio peccatorum omnium Sacerdoti facta: ergo tenentur jure divino, qui post Baptismum mortali peccato se obstrinxerunt Sacerdoti peccata omnia confiteri.

Propositio in libro superiore probata est, ex illis verbis Matth. III: *Penitentiam agite* (1);

(1) Matth. III, 2.

ex illis Luc. xxiii. *Nisi Penitentiam habueritis, omnes similiter peribitis* (1); neque adversarii eam negant. Quare tota difficultas in assumptione posita est, que rursus hac ratione concluditur: Christus instituit Sacerdotes judices super terram cum ea protestate, ut sine ipsorum sententia nemo post Baptismum lapsus reconciliari possit: sed nequeunt Sacerdotes recte judicare, nisi peccata cognoscant: ergo jure divino tenentur qui post Baptismum lapsi sunt, peccata sua Sacerdotibus aperire; ac per hoc est confessio peccatorum medium necessarium ad reconciliationem iis, qui post Baptismum lapsi sunt.

Hujus argumenti sola propositio confirmanda est, nam assumptio ita per se est evidens, ut nullo modo negari possit: iudicium enim sine cognitione cause, ne cogitatione quidem fingi potest. Quocirca adversarii communiter ad nostrum argumentum respondere solent, Ministrum in hac re non iudicem, sed praecomen esse Dei, neque pro potestate absolvere, sed tantum annuntiare penitentibus indulgentiam.

Philippus in Apologia Confession. Augustane, art. de Confess.: « Quod objiciunt, inquit, iudicem debere cognoscere causam praeiunctam pronuntiet, hoc nihil ad hanc rem pertinet, quia Absolutio est executio alieni beneficii, non est iudicium. » Idem in locis anni 1433. tit. de Confessione, ad idem argumentum his verbis respondeat: « Respondeo ad maiorem: differunt iudicium et ministerium Evangelii. In iudicio necesse est fieri cognitionem: at ministerium Evangelii est mandatum certum impertiendi beneficium, scilicet annuntianda remissionis peccatorum sive nota sint, sive ignota. » Et infra: « Ministerium, inquit, est testimonium divinæ absolutionis. » Et infra: « Quod Evangelium publice multis, et privatis singulis applicari possit, testatur haec sententia: Quorum remiseritis peccata, remittuntur eis. »

Joannes Calvinus lib. m. Institut. cap. 4. §. 18. Nam, inquit, quod contendunt, non possit fieri iudicium, nisi causa cognita; in promptu est solutio, temere hoc sibi arrogare qui sunt a seipsis judices creati. Et infra: Jactant sibi ligandi, et solvendi munus esse mandatum, ac si quadam esset iurisdictione questionis adjuncta. Porro hoc ius Apostoli fuisse incognitum, tota eorum doctrina

(1) Luc. XIII, 3.

clamat». Et §. 21. declarat, remittere ac refinere peccata nihil esse aliud, nisi polliceri ex verbo Dei remissionem peccatorum creditibus, et edicere damnationem non amplectentibus Christum: quod idem copiosius docet lib. iv. cap. 41. §. 4: « Hoc, inquit, de remittendis, et retinendis peccatis mandatum, et illi de ligando et solvendo, Petro facta promissio, non alio debent referri, quam ad verbi ministerium; quod dum Apostolis committebat Dominus simul hoc ligandi, solvendique munere ipso instruebat Quia enim est summa Evangelii, nisi quod omnes servi peccati et mortis, solvimus ac liberarum per redemtionem, qua est in Christo Iesu? qui vero Christum liberatorem, ac redemptorem non suscipiant, nec agnoscunt, eos aeternis vinculis damnatos, addictosque esse? »

Martinus Kemnitius in 2. part. Examinis, cap. 5. de Penitentia pag. 129. proponit his verbis potissimum Catholicorum argumentum: « Christus, inquit, Sacerdotes judices constituit, ut pro potestate Clavium pronuntient sententiam vel remissionis, vel retentionis peccatorum. Sed nullum iudicium recte exerceri potest incognita causa: ideo omnia peccata Sacerdoti ut iudicii, in Confessione quando petitum Absolutio, sigillatim enumeranda, exponenda, et detegenda sunt. » Et infra ponit responsionem pag. 130: « Sed recte, inquit, respondetur discriben esse inter iudicium, et functionem ministerii Evangelici: in iudicio enim iuxta causam cognitionem pronuntiantur, prout bona, vel mala est, vel prout reus adserit compensationem pro delicto: ministerium vero Evangelii mandatum habet annuntiandi et impertiendi alienum beneficium, Christi scilicet. » Et pagina 1033: « Ministri, inquit, tantum legatione funguntur, et sunt dispensatores alieni beneficii, quibus non mandatum est, ut corda scrutentur, sed ut iis, qui significant se Penitentiam agere, et Evangelio credere, annuntient remissionem peccatorum. » Haec ille.

Quare si ex Evangelio probavero, Apostolos et eorum successores judices esse a Domino in Ecclesiis constitutos in causis penitentium, simul etiam probavero, jure divino confessionem peccatorum in specie coram Sacerdoti esse faciendam.

Tria sunt loca praecipua, ex quibus judi-

ciaria ista potestas demonstrari potest. Primus locus est Matthaei 16: *Tibi dabo claves regni caelorum, et quodcumque ligaveris super terram, erit ligatum et in celo; et quodcumque solveris super terram, erit solutum et in celo* (1). Alter Matth. 18: *Quicumque alligaveris super terram, erunt ligata et in celo: et quicumque solveris super terram, erunt soluta et in celo* (2). Tertius est Joan. 20: *Quorum remiseritis peccata, remittuntur eis; et quorum retinueritis, retenta sunt* (3).

Primus locus continet promissionem soli Petri factam: sed neque Catholici, neque Haeretici dubitant, quin Petrus accepit Claves, non tantum ut ipse eis uteretur, sed etiam ut eas cum ceteris Sacerdotibus communicaret. Alter locus habet promissionem, factam Apostoli omnibus, sive predicationem quamdiu ejus potestatis, quam Apostoli et eorum successores acceptari erant. Et quia veritas mentiri non potest, etiam si nihil aliud legeremus, non posset ambigi, quia eam potestatem alii cubi accipiebant. Tertius locus continet ipsam concessionem ejus potestatis, et Sacramenti totius constitutionem.

Et quoniam adversarii non negant, in his locis promitti vel dari Ecclesie potestatem solvendi, et ligandi, sive peccata remittendi aut retinendi; sed hanc potestatem interpretantur ministerium prædicandi, et annuntiandi penitentibus remissionem peccatorum, et impenitentibus iram, et damnationem, sive publice multis, sive privatum: idcirco probandum nobis est, ex his locis apertissime colligi, datam esse veram potestatem ex auctoritate absolvendi, ac per hoc Sacerdotes judices esse in causis peccatorum vice Christi.

Primum igitur id colligitur ex metaphora clavium, de quibus dicitur: *Tibi dabo claves, Nam in primis claves non solent fieri, vel dari ad significandum, ostium esse clausum vel apertum, sed ad aperiendum et claudendum reipsa. Deinde, apud homines claves dari solent Magistratibus in signum potestatis: et in ordinatione Ostiariorum dantur claves ecclesiae materialis, non ut Ostiarii declarant, sintne forae templi clause, vel aperte, sed ut eae vere claudant atque aperiant. Denique, cum in Apocal. cap. 3. de Christo dicitur: Qui habet clavem David, aperit, et nemo claudit; claudit et nemo ape-*

rit (4), omnes intelligunt per clavem, veram et proprie dictam potestatem, qua possit Christus ex auctoritate iudicaria absolvere et ligare, non autem significare aut declarare, quis sit ligatus, quis solutus.

Quare eum suas claves Christus cum Apostolis, eorumque successoribus communicavit, veram potestatem ex auctoritate iudicaria solvendi et ligandi cum illis communicauit. Et quemadmodum nemo in clausum domum ingredi potest, nisi qui habet ejus dominus clavem, ostium aperuerit: sic etiam nemo cui coelum ob culpam sit clausum, in illud ingredi poterit, nisi Sacerdotum ministerio aperiatur. Nam si aliunde pataret aditus, frustra claves Apostoli accipissent: quid enim prodesset habere claves domus, si absque clavibus; invito etiam Ostiario, aditus patret? « Nemo, » inquit S. Augustinus hom. 49, sibi dicat, Occulte ago, apud Deum ago. Ergo sine causa dictum est: Quæ solveritis in terra, soluta erunt in celo? ergo sine causa sunt claves data Ecclesia Dei? frustram Evangeliū, frustram verba Christi.

Neque his repugnat, quod per Baptismum illi etiam, qui claves non habent, intromittere possunt homines in regnum colorum. Nam potestas clavium, est potestas iudicaria, et ideo proprie erga eos tantum exercetur, qui sunt in Ecclesia. *Quid enim ad me deis qui foris sunt iudicare* (5)? inquit Apostolus I Corinth. v. Itaque per Baptismum admittuntur homines ad Ecclesiam, et Sacerdotum iudicio ac potestati subiiciuntur: sed si deinde peccaverint, sine Clavium beneficio nullo modo reconciliari possunt.

Secundo, idem colligitur ex metaphora ligandi et solvendi: ligare enim, et solvere, non significant denuntiare, vel declarare, sed reipsa vincula injicere, aut demere; et præserit Matth. 16. et 18, alioquin non dixisset Dominus: *Quodcumque solveris, erit solutum, sive: Quicumque solveritis, erunt soluta;* sed: *Quodcumque solveris, erat solutum;* et: *Quicumque solveritis, erant soluta.*

Dices: Esto, possint Sacerdotes solvere et ligare, non tamen idcirco necesse erit ad eorum tribunal accedere; non enim Dominus ait: Et quicumque non solveritis, non erunt soluta; itaque poterunt illi quidem solvere, si quis eorum ministerio uti voluerit,

(1) Matth. XVI, 19. — (2) Matth. XVIII, 18. — (3) Joan. XX, 23. — (4) Apo. III, 7. — (5) Corin. V, 12.

sed poterit etiam peccator alia ratione sine ipsorum ministerio reconciliari. Quemadmodum cum regum auctoritate judices publici constituantur, possunt illi quidem judicare omnes, qui ipsorum opera uti volunt; non tamen coguntur qui lites habent ad publicos illos judices accedere, sed possunt arbitrios eliger, aut etiam ipsi per se causam suam compone.

Sed haec objecio facile solvit. Nam etiam si possint privati homines, lites, quas inter se habent, sine publicorum iudicium sententia componere: non possunt tamen eas lites componere, quas cum rego ipso haberent, nisi illum audeant, quem loco suo rex judicem esse volunt. Porro peccata omnia cause sunt, quas cum Deo ipso habemus, et ideo cum Deus iudicium de peccatis, Sacerdotibus permisericiter in Ecclesia sua, non possunt qui in Ecclesia sunt, si ejusmodi causas habeant, sine Sacerdotum iudicio cum Deo reconciliari. Quare illa negatio, Quæcumque non solveritis, non erunt soluta: quamvis expressa non fuerit in eculo Evangelii: tamen aperte colligitur, tum ex illa affirmatione: *Quicumque solveritis, erunt soluta;* qui Sacerdotes judices futuri dicuntur in causa contra Deum; tum etiam ex illa: *Quicumque ligaveritis, erunt ligata;* ligare enim non solum est novum vinculum addere, ut Excommunicationis: sed etiam vinculum peccati confirmare, ac retinere, ut in alio Evangelista explicatur, et denique nolle solvere. Quod si possent rei sine Sacerdotum sententia a peccatis absolvi, non esset vera Christi promissio: *Quicumque ligaveritis, erunt ligata.*

Tertio, colligitur id ex illis verbis Joan. 20: *Quorum remiseritis peccata, remittuntur eis; et quorum retinueritis, retenta sunt* (1). Hoc enim loco expressa datur potestas non solum remittendi peccata, sed etiam retinendi: retinere autem quid est, nisi nolle remittere? proinde negatur remissio illis; quibus non licent Sacerdotibus remittere. Adde quod non ait Dominus: Quorum remiseritis peccata, remissa erant, quod certe dixisset, si per remissionem, declarationem significare voluisse, sed ait: *Remittuntur eis,* quia nimis rata habet Christus sententiam a Sacerdote, nomine suo, latam.

Quarto colligitur ex illa voce: *Quorum, nec enim vult Dominus omnibus indefinite*

peccata remitti, sed certis hominibus, iis videlicet, quos Sacerdotes absolvendos iudicaverint. At Evangelium omnibus indefinite prædicantum est, juxta illud Mare. ult.: *Prædicate Evangelium omni creaturæ* (2), et omnibus omnino dari potest conditionalis illa absolutio Calvini. « Remittuntur tibi peccata si credis. » Non igitur Dominus de prædicatione Evangelii, sed de vera potestate peccata remittendi loquitur.

Quinto, colligitur ex ceremonia insufflationis, qua Dominus usus est, cum potestatem remittendorum peccatorum Apostolis tribuit. Quemadmodum enim idem Christus Actor. 2: *Spiritu sanctum dedit in specie linguarum, quia dedit ei tempore domum concionandi: sic etiam Joan. 20, dedit Spiritum sanctum insufflando, quia dedit domum peccata remittendi, non concionando, ut adversarii somniant, sed plane extinguedo, ac dissolvendo. Ut enim status extinguitur ignem, et dissipat nebulas; sic etiam absolutio Sacerdotis peccata dispergit, et evanescere facit; juxta quam metaphoram legimus Isaiae 44: *Delevi ut nubem peccata tua* (3).*

Sexto, idem probatur ex Patribus, qui loca notata ita exponunt, ut aperte significent, sacerdotes a Christo judices factos, et peccata ex potestate dimittente, non autem concionando ammuniare esse remissa.

Ac primum. S. Joannes Chrysostomus lib. iii, de Sacerdotio, multis modis sententiam nostram confirmat: « Etenim, inquit, qui terram incolunt, atque in ea versantur, iis commisum est, ut ea que in celis sunt dispensem: iis datum est, ut potestatem habent, quam Deus neque Angelis, neque Archangelis datam esse voluit: neque enim ad illos dictum est: Quæcumque alligaveritis in terra etc. » At certe possunt Angeli annuntiare hominibus, remitti peccata si credant, non remitti, si non credant: non igitur potestas annuntiandi, sed vere absolvendi ac ligandi data est Sacerdotibus ex sententia Chrysostomi.

Pergit ibidem Chrysostomus: « Habent quidem et terrestres principes vinculi potestatem, verum corporum solum: id autem quod dico, Sacerdotum vinculum, ipsam etiam animam contingit, atque ad celos usque pervadit, usque adeo, ut quæcumque inferme Sacerdotes conferent, illa eadem

(1) Joan. XX, 23. — (2) Marc. XVI, 14. — (3) Isai. XIV, 22.

Deus superne rata habeat, ac servarum sententiam Dominus confirmet. » At principes terra non solent annuntiare quis vincus sit, quis solitus, sed plane pro imperio corpora subditerum ligant et solvunt. Igitur et sacerdotes cum animas ligant, vel solvunt, non annuntiant quis ligatus sit, quisve solitus: sed plane pro imperio, Christi vice, vincula injiciunt, vel tollunt, si comparatio Chrysostomi aliquid valeat.

Pergit Chrysostomus: « Quorūcumque (ait) peccata retinueritis, retenta sunt. Quem, queso, potestas hac una major esse queat? » At annuntiare peccata fidelibus remitti, infidelibus detineri, non magna res est, id enim quilibet facere potest, qui modo Evangelium legere noverit, non solum Sacerdotes, sed etiam laici; nec tantum Catholici, sed etiam Hæretici, quin etiam ipsi Dæmones.

Pergit: « Pater omnifariam Filio potestatem dedit; ceterum video ipsam eamdem omnifariam potestatem a Filio illis traditam, nam quasi jam in cœlum translati, ac supra humanam naturam positi, atque nostris ab effectibus exempti, sic illi ad principatum istum perducti sunt. » At Pater Filio non nūdam Evangelii annuntiant, facultatem dedit: sed plane ex auctoritate peccata demittendi. Alioqui Dominus Matth. 9. cum dixisset Paralytico: *Dimitimur tibi peccata tua* (1), et quidam Pharisæi adiecerint: *Hic blasphemat*: potuisse ut verbo calumniam repellere, ac dicere, non se peccata proprie remittere, sed solum annuntiare esse remissa; ceterum non hoc fecit, sed ex potestate mirabili repente curandi corpora, demonstravit se habere etiam potestatem admirabilem curandi animas.

Addit Chrysostomus: « Quid multa? Rex quis si cui ex subditis suis honorem hunc detulerit, ut potestatem habeat quocumque velit in carcere conjicendi, cosdemque rursus laxandi: beatu ille, et admirandus iudicio omnium fuerit. At vero qui a Deo tanto majorem accepit potestatem, quanto cœlum terra pretiosius est, quanto etiam animæ corporibus prestant: hic vilis eo usque dignitatem, acceperisse nonnulli videri debet, ut vel in illorum cogitationem descendere queat, reperi quodquoque posse aliquem ex eorum numero, quibus tanta illa, quæ paulo ante dixi, fuerint concredita, cui ipsi munus

sum sordescat, quique donum sibi a Deo datum despiciat? » Non poterat Chrysostomus apertius declarare, Sacerdotum potestatem vere ac proprie judicariam esse, quam ea similitudine fecerit: comparat enim Sacerdotem non cum præcone regis, qui solum nuntiet quid factum, faciendum sit: sed cum eo, qui pro potestate in carcere defrudat, aut ex carcere liberet.

Addit ultimo ibidem Chrysostomus: « Corporis lepram purgare, seu (verius dicam) haud purgare quidem, sed purgatos probare, Iudaorum Sacerdotibus solis licet: neque nescis quam cum ambitione, quanto cum studio, et concertatione Sacerdotafal dignitas id temporis acquireveretur. Ad vero nostris Sacerdotibus non corporis lepram, verum animæ sordes, non dico purgatos probare, sed purgare prorsus concessum est. » Hoc vero loco, tam perspicue Chrysostomus sententiam adversariorum damnat, ut nihil omnino contra responderi queat.

Sed audiamus etiam alios Pafres. S. Gregorius Nazianzenus oratione ad cives timore persecutos, et Præcipem, sive Præsidem irascemt: « Ipsa, inquit, Christi lex, vos quoque Præsides, meo imperio, tum solo subiicit: nam et nos cum potestate sumus, addam etiam ampliore, perfectioreque. »

S. Ambrosius lib. 1. de Pomenitia, cap. 2. et sequentibus, probat ex locis allegatis Matth. 16. et Joan. 20. Sacerdotibus datam a Christo potestatem remittendi peccata. Loqui autem Ambrosium de vera potestate remittendi, non de solo ministerio evangelizandi, perspicuum est; tum quia Novatiani non negabant posse Evangelium omnibus praedicari, sed negabant peccata ex auctoritate remitti posse; tum quia cap. 7. Ambrosius scribit, Christum communissime cum Sacerdotibus eam potestatem, quam ipse habet. Christum vero veram potestatem remittendi, non autem solum annuntiandi habere, paulo ante ostendimus.

S. Hieronymus in epist. ad Heliодorum de vita solitaria: « Absit, inquit, ut de his quidquam sinistrum loquar, qui Apostolico gradu succedentes, Christi corpus sacro ore conficiunt, per quos et nos Christiani sumus, qui claves regni colorum habentes, quodam modo ante diem iudicij judicant. »

S. Augustinus lib. xx. de Civ. Dei. cap. 9. explicans illud Apocalypsis: « Et vidi sedes,

(1) Matth. IX. 2.

et sedentes super eas, et judicium datum est», ita loquitur: « Non hoc putandum est de ultimo iudicio dici, sed sedes praepositorum, et ipsi praepositi intelligendi sunt, per quos Ecclesia nunc gubernatur. Judicium autem datum nullum melius accipendum videtur, quam id, quod dictum est: Quæ ligaveritis in terra, ligata erunt in celo. Unde apostolus: Quid enim mili est, inquit, de his, qui foris sunt judicare? nonne de his, qui intus sunt, vos iudicatis?

S. Innocentius I. in epistola 1. ad Decennium cap. 7: « De pondere, inquit, astimando delictorum, Sacerdos est iudicare. »

S. Gregorius hom. 26. in Evangelia, expōns illa verba Domini: *Quorum remisitatis peccata, remittuntur eis*, etc. « Principatum, inquit, superni iudicij sortiuntur, ut vice Dei quibusdam peccata retineant, qui mundi relaxent. »

Septimum probat rationibus. Ac primum si non essent Sacerdotes iudices, nec vere peccata remitterent, sed solum annuntiarent esse remissa: nemo periret ex eo solum, quod sacerdotem reconciliantem habere non possit; qui enim credit, ei sententia adversariorum, jam habet remissionem, etiam nemo sit, qui id verbi protestetur. Ad S. Augustinus in epist. 180. ad Honoratum aperie scribit, aliquos reconciliari cuipentes, et proprie credentes in Christum, in eternum perire, quod ante moriantur, quam a Sacerdote absoluvi potuerint. « An non cogitamus, inquit, cum ad istorum periculorum pervenitur extrema, nec est potestas illa fugiendi, quantus in Ecclesia fieri soleat ab utroque sexu, atque ab omni atate concursus, aliis Baptismum flagitantibus, aliis reconciliacionem, aliis etiam penitentie ipsius actionem, omnibus consolationem, et Sacramentorum confectionem, et ergoationem, ubi si Ministri desint, quantum extimum sequatur eos, qui de isto seculo vel non regenerati exent, vel ligati? quantus est etiam luctus fidelium surorum, qui eos secum in vita aeterna requie non habebunt? » Hece ille. Nec his dissimilia scribit S. Leo in epist. 91. ad Theodorum. Ex quibus loci intelligimus, sacramentali reconciliacionem vim habere justificandi, neque esse solam annuntiationem acceptæ, vel accipienda justificationis.

Deinde, si Sacerdos non aliter peccata remitteret, quam annuntiando divinas promis-
(1) Eccl. XXXII. 6.

siones: certe non nisi frustra ac ridicule absolverentur surdi, et ii, qui ob vim morbi sensibus sunt destituti. Ne effundas sermonem meum, inquit Sapiens Eccles. 32, ubi non est auditus (1). At in Ecclesia veteri, non solum surdi, sed etiam ii, qui ob vim morbi extra se positi erant, aliquando reconciliabantur, ut patet ex Augustino lib. 1. de adulterinis conjugiis cap. ult. et Leone in epist. paulo ante citata ad Theodorum, et ex Concilio Carthaginensi IV. can. 76. et Arausiano can. 12.

Tertio, si absolutio esset annuntiatio remissionis peccatorum, vel temeraria esset, vel superflua. Nam cum Minister dicit: *Remittuntur tibi peccata*, aut absolute hoc pronuntiat, aut ex hypothesi, si videlicet credas, et ut operei penitentiam agas. Si absolute: temere id pronuntiat, cum ignoret, an is, qui reconciliationem petit, si vere ponentes, et fidem habeat, qualis requiratur ad justificationem: et præterea etiam aliquo modo id Minister nosset, melius tamen novit ipse penitentes, proinde non eget annuntiatione illa Ministri, qua nihil ei addere potest certitudinis. Si vero est conditionalis Absolutio (ut Calvinus admittit) non potest talis Absolutio certum ac securum efficere penitentem, cum ex incerta conditione dependeat: et tamen adversarii, vix alium finem absolusionis agnoscunt, quam ut certum reddat hominem accepte justificationis.

Quarto, si absolutio non est actus judicialis, sed simplex annuntiatio divinae promissionis, quæ in Evangelio scripta extat, non minus absolvere poterit laicus, immo etiam femina, aut puer, aut infidelis quispiam, aut diabolus, vel etiam psittacus, si doceatur ea verba, quam Sacerdos. Et quamquam adversarii id concedant, quia sequitur evidenter ex ipsorum principiis, tamen est contra omnium veterum confessionem, et contra consuetudinem omnium Ecclesiæ, et omnium saeculorum, de qua re suo loco plura dicemus.

CAPUT III.

*Confirmatur eadem veritas ex figuris, quae
Confessionem sacramentalem precesserunt.*

Sacraenta Christiana, ac praesertim ea, quae magis necessaria sunt, non simpliciter in divinis litteris indicantur, sed primum in lege naturae et Mosis adumbrata, ac preannuntiata, deinde a Christo promissa, tum instituta, postea frequentata, et commendata in Scripturis inveniuntur.

Sic Baptismus in lege naturae adumbratus fuit per arcum Noe, et circumcisionem in lege scripta, per transitum maris rubri, et probatricem piscinam; ac demum propinquante lege gratiae, per Baptismum Joannis, deinde a Christo promissus fuit, Joan. iii. 3: *Nisi quis renatus fuerit etc.* Postea discretus verbus imperatus Matthei ultimo 19: *Baptizate omnes gentes etc.*, denique in Actis Apostolorum, et in epistolis beati Pauli passim exhibitus, et commendatus legitur.

Sic etiam Eucharistia figurata primum fuit in lege naturae per panem et vinum Melchisedech; in lege scripta per agnum paschalem et panes propositionis; in ipso Evangelio per multiplicationem panum: deinde, promissa Joan. vi. 32: *Panis quem ego dabo, postea instituta Matth. xxvi. 26: Accipite et mandate etc.* Denique frequentata, et commendata ab Apostolis Act. i. et II. Corinth. x et xi.

Quod idem de confessione demonstrari potest. Deus enim in lege naturae non semel exigit confessionem peccati: clarus eamdem prescriptum in lege Mosis: eamdem Christus in Evangelio variis figuris expressit: eamdem postea promisit, et instituit: accessit denique usus ejus tempore Apostolorum, neconon exceptio, et commendatio.

Et quoniam de promise, et institutione, ex quibus praecepimus argumentum sumitur, duximus, cap. superiori: nunc de iis, que promise, et institutionem, vel processerunt, vel secuta sunt, quæque ad eamdem veritatem confirmandam non parum valent, breviter dicemus.

Porro ex figuris duplex argumentum sumi potest. Primum enim si confessio, quam Deus in Testamento veteri exigebat, figura quedam erat, ut revera erat, cum omnia contingentes illis in figuram I Corin. 10.

certe necesse est, ut in Testamento novo sit etiam confessio peccatorum a Deo precepta, et quidem tanto exactior et perfectior, quanto res figurata figuris ipsis prestata. Deinde, si confessio necessaria erat coram Dei Ministro, eo tempore, quo nondum data erat Sacerdotibus potestas remittendi peccata: quis non inde colligat, multo majore ratione æquum fuisse, ut confessio tanquam necessaria imperaret, tempore novi Testamenti, quo tanto cum fructu confitiri possumus, ut legitimam confessionem continuo certa Absolutione consequatur?

Prima igitur figura habetur Genes. 3. et 4. ubi Deus primum ab Adamo et Eva, deinde a Cain Confessionem peccati exigit. In his locis exigitur confessio, non solum cordis, sed etiam oris, nec solum in genere, sed etiam in speciali, nec tantum coram Deo, sed etiam coram eius Ministro. Nam interrogatio illa facta est per Angelum in forma humana apparentem, ut patet ex eo, quod ambulabat in Paradiso ab auram post meridiem. Ex quo intelligimus magnam fuisse similitudinem inter illam confessionem, et eam, que nunc fit sacerdoti, qui est etiam Angelus Domini, testi Malachia cap. 2. ut non sine causa, una dicatur figura alterius.

Quare Tertullianus in lib. ii. adversus Martionem, hanc figuram expendens, ita loquitur: « Interrogat Deus quasi incertus, et ut hinc liberis arbitrii probans hominem, in causa vel negationis, vel confessionis, ut dare ei locum sponte confitendi delictum, et hoc nomine revelandi: sicut de Cain sciscitatur, ubi nam frater ejus, quasi non jam vociferatum a terra sanguinem Abilis audisset, sed ut et ille habere potestatem ex eadem arbitrii potestate sponte negandi delicti, et hoc nomine gravandi: atque ita nobis conderentur exempla confitendorum potius delictorum, quam negandorum, ut jam tunc initiatetur Evangelica doctrina: Ex ore tuo justificaberis, et ex ore tuo damnaberis. »

S. etiam Ambrosius in lib. de Paradiso, cap. 14. et lib. ii. de Cain et Abel, cap. 9. et S. Gregorius lib. xxii. Moral. cap. 13. et S. Joannes Chrysostomus hom. 18. in Genes. haec loca de Confessione exponunt, ac dicunt, Deum ab illis confessione extorquere voluisse, ut confessione delerent, quod transgregiendo commiserant.

Secunda figura habetur Levit. 13. et 14. ubi judicium leproz solis committitur Sacerdotibus, et cogebantur leprosi se Sacerdotibus.

CAPUT III.

tibus sistere, ac prodere, et juxta corum arbitrium vel extra castra manere, vel post curationem ad castra reverti: quam etiam legem, Dominus approbat Math. viii. 4. cum leproso a se curato dixit: *Vade, ostende te sacerdoti, etc.*

Hanc figuram fuisse Sacramenti Confessionis, docent Chrysostomus lib. 3. de Sacerdotio, et S. Hieronymus in cap. 16. Matthæi. Hinc enim colligit S. Hieronymus oportere Sacerdotes, cognoscere peccatorum varietates; et S. Chrysostomus monet, officium Sacerdotum Christianorum longe excellentius esse quam olim fuerit Judeorum, cum illis, lepros non curare, sed curatum ostendere; nostris, peccata non curata ostendere, sed vere curare concessum sit.

Joannes Calvinus lib. iii. Institut. cap. 4. § 4. hoc argumentum contempnere videtur, et tamen opere dilucere conatur: « Videamus, inquit, quibus argumentis Confessionem hanc Dei esse mandatum probant. Misit, inquit, leprosus Dominus ad Sacerdotes? Quid? misitne ad Confessionem? quis unquam fido audiuit, audiendis confessionibus prefectos Leviticos Sacerdotes? » At neque nos dicimus, missos leprosus a Christo ad Sacerdotes, ut illis peccata sua confiterentur, sed ex figura, cum Chrysostomo et Hieronymo, dicimus argumentum. Ut enim in lege veteri cognitione leproz corporalis, ita in nova cognitione leproz spiritualis ad Sacerdotes pertinet; et ideo cum legitimus ab ipso Christo leprosus ad Sacerdotes Leviticos missos, allegorice intelligimus, missos peccatores ad Sacerdotes Evangelicos.

Neque hoc Calvini ignorasse, sed ansam calumniandi accipere voluisse, testantur verba sequentia: « Configunt, inquit, ad allegorias. Sanctum erat lege Mosaica, ut Sacerdotes discernerent inter lepram et lepram. Peccatum spiritualis est lepra: de hac prouinciare. Sacerdotium est. Antequam responderem, queru obiter: Si hic locus, spiritualis leproz eos judices facit, cur naturalis et carnalis leproz cognitionem ad se trahunt? scilicet hoc non est Scripturis ludere: Lex cognitione leproz deferit Sacerdotibus Leviticis, hanc nobis usurpemus; peccatum est lepra spiritualis; simus peccati cognitores. Nunc respondeo: translato sacerdotio, necesse est legis translationem fieri. Omnia Sacerdotia ad Christum translati sunt, in completa, et finita: ad eum igitur unum ius omne, et honor sacerdotii translatus est. »

Addit deinde Calvinus: « Adhaec, impunita est ipsorum allegoria, quæ legem mere politican inter ceremonias reponit. » At hic duo sunt errata. Primum enim lex de purgatione leprosi, non mere politica, sed maxima ex parte ceremonialis erat. Nam si

mere politica fuisset, ad principem politum, non ad Sacerdotes pertinuisse. Et quod modo politica lex est, et non potius cæremonialis, que jubet leprosum recludi septem diebus, dissutum gerere vestimentum, lavari aliquoties, offerre passeret, et agnos, tingi sanguine et oleo in extremp auriculæ dextræ, et in pollic Manus ac pedis dexteri, et alia id genus multa? Deinde etiamis mere politica lex illa fuisset, quid prohiberet quominus alicuius mysterii figuram gerere posset? certe transitus maris rubri, māna de celo, aqua de petra, idololatrarum interfectio, non cæremoniæ, sed res gestæ fuerunt, et tamen Apostolus I. Corinth. 10. aperte scribit, omnia illa in figuram Hebreos contigisse, et ad nos earum rerum significations pertinere. Neque cæremonia dici potest, quod Abraham duos filios haberet, unum de ancilla, et unum de libera: et tamen ejus rei allegoriam B. Paulus exponit Galat. 4.

Concludit tandem Calvinus responsionem suam his verbis: « Quamquam in re clara suffragium ullius hominis accersere pudet: ubi Christus pronuntiat, se jus legale relinquere Sacerdotibus integrum, tanquam professi Evangelii hostibus, qui semper ad obstrependum intenti erant, nisi os fuisset conclusum. Quare ut hanc compositionem retineant Papales sacrifici, palam concedant in eorum partes, quos necesse est vi compesci, ne Christo maledictum, nam ad veros ejus Ministros nihil hoc pertinet. »

At quid est aliud aerem verberare, et sine hoste pugnare, si hoc non est? sic enim nos Calvinus ad Judaismum rejicit, quasi contendemus, cognitionem lepra corporalis juxta legem Leviticam, ad Sacerdotes Evangelicos pertinere, cum nos (ut saepe diximus) non cognitionem lepra corporalis, sed spiritualis, quæ per corporalem illam significabatur, nostris Sacerdotibus deferamus. Et vero si Calvini ratioinatio quidquam valeret, illud etiam efficeret, neminem posse a circumcisione carnali ad circumcisionem spiritualem argumentum ducere, quia ad partes Judeorum Christi hostium, concedere videbatur; et tamen Apostolus Paulus, qui in epistola ad Galatas circumcisionem Judaicam ab Ecclesia totis viribus amovet, idem in epist. ad Coloss. cap. 2. dicit nos omnes qui baptizati sumus, circumcisos esse circumcisione non manufacta, in exploitatione corporis.

(1) Num. V, 7. — (2) Levitico, V, 5.

ris carnis, sed circumcisione Christi. Sicut igitur circumcisionis ad nos non pertinet, pertinet autem Baptismus, qui per circumcisionem significatur, et circumcisionis spiritualis nominatur, sic etiam cognitio lepre ad Sacerdotes Christianos non pertinet, pertinet autem cognitio peccati, quod per lepram significatur, et lepra spiritualis aptissime minatur.

Tertia figura est Confessio, quam Deus instituit in Testamento veteri, et cui adjungi voluit loco ejusdem satisfactionis, oblationem sacrificii: de qua Num. 5. et Levitici etiam 5. testimonium habemus. Nam profecto si Confessio figuralis erat a Deo instituta, et necessaria iure divino, quanto magis Confessio figurata esse debet a Deo instituta et necessaria iure divino?

Sed quoniam Martini Kenntius in 2. part. Examini pag. 984. contendit, Confessionem illam fuisse generalem. (Talis Confessio, inquit, in veteri Testamento erat, quando aliquis ad Sacerdotem adducet hostiam offerendam pro peccato, pro delicto, pro ignorantia, pro contumacia etc. nec exhibetur ut peccatum illud in specie, et singulatum cum omnibus circumstantiis sacerdoti exponeretur), ostendam breviter Confessionem illam certi peccati in specie fuisse.

Verba Scripturae in lib. Num. cap. 5. sic habent: *Vir, sive mulier cum fecerint ex omnibus peccatis, quæ solent hominibus accidere, et per negligientiam transgressi fuerint mandatum Domini, atque deliquerint, confitebuntur peccatum suum* (1). Ubi duo sunt observanda, primum illud, Confitebuntur, esse in conjugatione hitpael, quæ auget significacionem, ita ut illud בְּתַדֵּבֶר recte verti possit: Expresso, et distincte confitebuntur. Deinde illa verba: *Confitebuntur peccatum suum*, in Hebreo haberi cum majori explicacione, sic enim legimus: *Confitebuntur peccatum suum נִזְבָּנָה*, id est, *quod fecerunt*. Ex quibus colligimus hoc loco imperari, ut peccatum in specie per manifestam confessionem prodatur; si enim in genere tantum confiteri sufficeret, non diceret Scriptura: *Confitebuntur aperte peccatum illud, quod fecerunt*, sed similipter, Confitebuntur peccata sua.

In Levitico cap. 5. ubi nostra editio habet: *Agat Penitentiam pro peccato* (2), in Hebreo est illud idem vocabulum, quod in lib. Numer. sic enim legimus, יְאַשֵּׁם תָּנוֹת בְּגָלָל הַחֲווֹר.

אֲשֶׁר הַמְּאָוִיל וְהַחֲווֹר : *Et erit cum peccavit in uno ex his, confitebatur aperte peccatum quod peccavit.*

Ad haec testimonia Rabbinorum, et consuetudo gentis, satis aperte ostendit, præceptum hoc intelligendum esse de Confessione distincta, et in specie ejus peccati, pro quo expiando sacrificeandum erat. De consuetudine Hebraeorum, testes sunt Thomas Waldensis tomo 2. de Sacramentis cap. 137. ubi scribit se in Austria ab ipsis Hebreis cognovisse hanc eorum consuetudinem: et S. Antoninus 3. part. tit. 44. cap. 6. §. 1. summæ Theologice, ubi dicit, solere Judeos doctiores ante mortem confiteri omnia peccata Leuiti alicui, si quem forte nasci fuerit. De testimonio Rabbinorum vide Petrum Galatinum lib. 10. cap. 3. ubi multis testimoniorum probat, oportuisse in Confessione detegere peccatum in specie, et cum suis circumstantiis.

Adde quod omnino probabile est, Ecclesiasticum cap. 4. ad hoc præceptum legale observandum exhortari, cum ait: « Non confundaris confiteri peccata tua. Porro confusio timeri non solet in confessione, que soli Deo fit, aut que fit homini generatim, sed in ea solum, que fit homini in specie, ut experientia satis testatur. »

Quarta figura est Matth. 3. et Marci 1. ubi legimus plurimos accurrisse ad Baptismum Joannis, confitentes peccata sua. Sicut enim Baptismus Joannis figura fuit Baptismi Christi, ita quoque et confessio, que Joanni fiebat, figura fuit Confessionis, que Christi Ministris facienda era.

Quod autem Calvinus lib. III. Institut. cap. 4. §. 6. et Kenntius in 2. parte Examini pag. 986. dicunt, eos qui confitebantur Joanni, non in specie peccata sua confessos, sed in genere tantum se peccatores agnoscisse, non est conforme verbis Evangelistarum. Ut ergo enim Evangelista disertis verbis posuit: *Confitebuntur peccata sua, et Grace ἡγετούσαν τῷ ἀπόστολῳ αὐτῷ*, aliud autem est, agnoscere se peccatores, aliud, peccata sui alicui confiteri.

Neque multum refert, quod illa confessio que coram Joanne fiebat, cum Baptismo conjuncta esset, cum nostra Confessio sacramentalis solum in illo locum habeat, qui post Baptismum peccata. Nam Baptismus Joannis non remittet peccata ex opere operato, et ideo satis erat conveniens, ut non solum baptizarentur qui ad Joannem accederent:

sed etiam confiterentur, ut variis modis ad veram contritionem, et satisfactionem excirentur. Christi vero Baptismus non ponenti obicem, ex opere operato peccata omnia, tum quoad culpam, tum quoad peccata omnia remittit, et ideo nusquam leguntur Apostoli ante Baptismum confessionem exisse, aut satisfactionem ullam indixisse.

Quinta figura habetur Joan. xi, in historia Lazar. Quod enim Dominus e sepulchro prodire jussit Lazarum, et ab Apostolis solvi vulneri funeralia illa vincula quibus legatus erat, significari Patres dicunt, peccatores divina voce excitatos, foras prodire per Confessionem, et ministerio sacerdotum liberari a peccatorum vinculis per Absolutionem. S. Irenaeus lib. v. cap. 43: « Hoc symbolum, inquit, ejus hominis, illigatus fuerat in peccatis, et propter hoc ait Dominus: Solvite illum, et dimittite eum abiire. » S. Ambrosius lib. II. de Pénitentia cap. 7. S. Augustinus tract. 49. in Joan. in Psal. 104. concione 2. serm. 8. et 44. de verbis Domini, et homil. 27. in lib. 50. homiliarum, et S. Gregorius hom. 26. in Evangel. et lib. 22. Moral. cap. 43. eamdem figuram agnoscunt et extinentur.

Sed occurrit Joannes Calvinus lib. III. Institution. cap. 4. §. 3. ac primum dicit, argumenta ex allegoriis non multum valere ad dogmata confirmanda. Sed neque nos in ejusmodi argumentis præcipuum fundamentum ad confirmanda dogmata collocamus, nisi allegorie in ipsa Scriptura explicitur, vel communi Patrum consensu, aut certa aliquæ Ecclesie definitione conset, quorsum pertineant: qui tamen probable argumentum inde sumi possit, quando magni viri, quales sunt quos citavimus, allegorias exponunt, negari nullo modo debet.

Deinde addit Calvinus, mentiri eos, qui scribunt, Christum imperasse discipulis, ut Lazarum dissolventer: « Dicunt, inquit, Dominus discipulis præcepit, ut suscitatum Lazarum fuscis solverent, et expedirent. Hoc primum mentiuntur: nusquam enim legitur, hoc dixisse Dominum discipulis, estque multo virisimilis, dixisse astantibus, quo cifra Iudeis ullam fraudis suspicionem evidenter fieret miraculum, et major sua virtus eluceret, quod nullo tactu, sed sola voce mortuos suscitat. »

Miror impudentiam Calvini, qui tam auctor S. Augustinum, et S. Gregorium mendacii arguere non vereatur. Augustinus enim

est, qui sorm. 8. et 44. de verbis Apostoli, scripsit, verba illa : *Solvite illum, et sinite abire, ad discipulos dicta a Christo fuisse; quod idem non semel repetit Gregorius, homil. 26. in Evangelia.*

Sed quo argumento, queso, Calvinus Augustinus et Gregorium mentitos esse convincent? siquidem in Evangelio tantum legimus : *Dixit eis, solvite illum etc.* neque aliquid praeedit, unde certe colligamus, illud pronomen, eis, non referri ad discipulos.

Videtur autem illud, eis, ad eos referri, quibus paulo ante dictum est : *Tollite lapidem,* iisdem enim dixit : *Tollite lapidem, et, Solvite eum.* Porro : *Tollite lapidem,* dixit circumstantibus, non exprimendo hos aut illos; sic enim legimus, *Ait Jesus : Tollite lapidem.* Dominum autem absolute praeiciente aliquid circumstantibus, certe credibile est, discipulos, aut solos, aut cum primis obediisse. Quare licet ex Evangelio non possit certo colligi, qui fuerint, qui Lazarum solverunt : tamen magna conjectura est, Apostolos fuisse.

Neque hinc expositioni repugnat Chrysostomus, aut si qui sunt alii, qui in factum alios quibusdam praeter Apostolos tribuant. Potuit enim fieri, et credibile est ita factum esse, ut Domino iubente multi simul accurrerent, tum ex Apostolis, tum ex aliis, et hi conjunctis viribus lapidem sustulerint, ac deinde alii manus Lazari, alii pedes solverint, alii velamen ex facie detraxerint, alii reliquum corpus expeditorient : neque ex hoc, quod Apostoli cum aliis Iudeis Lazarum solverint, aliquid detrahitur de magnitudine miraculi.

Atque haec dicta sint de calunnia mendacii; nam aliqui ad rem nostram nihil referunt, utrum Apostoli, an alii quidam Lazarum solverint : ut enim haec Lazarus solutio figura sit Absolutionis sacerdotalis, satis est, si ii, qui Lazarum solverint, in ea re ministri Christi fuerint, et Christo iubente id fecerint. Hoc enim contendimus, eos duntaxat potestatem habere peccata remittendi, quibus id Christus mandavit : quemadmodum ii soli Lazarum de monumento prodeuent solverunt, quibus Christus dixerat : *Solvite eum.* Quare S. Augustinus tract. 49. in Joanne nominat discipulos, sed generatim, ministros, cum de illis agit, quibus Christus dixit : *Solvite eum.*

Addit postremo Calvinus aliam allegoriam

huius explicationem : « Sed demus, inquit, hoc dictum discipulis : quid tum obtinebunt? Dominum dedisse Apostolis solvendi potestatem. Quanto aptius, et magis dextre haec allegorice tractari poterunt, si dicamus, hoc symbolo Deum voluntes fideles suos instituire, ut solverent a se suscitatos : hoc est, ne in memoriam peccata revocarent, que ipse oblitus esset : ne ceu peccatores damnarentur, quos ipse absolvisset : ne adhuc exprobarent, quae ipse condonasset; ne ubi misericors ipse esset, et ad pacendum facilis, ipsi ad puniendum severi, et morosi essent? certe nihil ad ignoscientiam fluctere nos magis debet, quam Judicis exemplum, qui se nimis rigidis et inhumanis implacabilem fore minatur. Eant nunc et allegorias suas venditent. » Haec ille.

Quia sane explicatio nihil est mirum, si nulli veterum Patrum in mentem venerit, cum ineptissima sit. Nam quod Patres dicunt, per mortuum significare peccatorum; per extimationem, conversionem, per egressionem ex monumento, confessionem; per vincula, peccata; per solutionem, remissionem; id totum et maximam habet signi cum re significata similitudinem, et ex Scripturis sanctis confirmari potest. At quod Calvinus dicit, nullum habet neque in Scripturis, neque in rei similitudine fundamentum. Quis enim usquam legit, non exprobare, aut non recordari, esse solvere? aut qui sanus dicere, non exprobare esse solvere, cum solvere sit aliquid agere, non exprobare sit non agere? Sed his nugs omissis, ad alia veniamus.

CAPUT IV.

Confirmatur eadem veritas ex aliis locis novi Testamenti.

Diximus hactenus de figuris, que Confessionis institutionem praecesserunt: nunc de usu, commendatione, atque exhortatione, que institutionem consecuta sunt, breviter dicemus.

Primum igitur locus habetur in Actis Apostolicis, cap. 19 (1), ubi sic legimus : *Muli credentes veniebant, confitentes, et annuntiantes actus suos : multi autem ex is, qui erant cu-*

(1) Act. XIX, 48.

riosa seclati, contulerunt libros, et combusserunt coram omnibus.

Hic locus accipiens est in primis de confessione fidelium post Baptismum; illi enim proprie dici solent credentes, ut patet Actor. 3. 4. et 3. I Thes. 4. et alibi : neque hoc negant adversari. Deinde loquitur Scriptura de confessione peccatorum in specie, ut ex illis verbis colligitur : *Confitentes actus suos.* Denique agitur hoc loco de confessione facta non soi Deo, sed etiam homini: nam ad Paulum veniebant, ut confitentur actus suos. Et quoniam eo tempore nulla extabat Ecclesiae constitutio de confessione peccatorum facienda, id sequitur, ut ab ipso Christo ejusmodi Confessio fuerit instituta.

Sed occurrit in primis Lutherns, qui in sua versione, per actus, miracula intelligentia docuit: quem secutus est Joannes Brentius, in commentario hujus loci.

Sed hanc expositionem non solum rejexit communis Catholicorum consensus, et ipsius etiam venerabilis Beda, in cap. 4. Mare, sed multo maxima pars adversariorum, ut Melanchthon, Calvinus, Beza, Bullingerus, Sarcerius in Acta Apostolorum, et Illiricus Centur. 4. lib. II cap. 4. col. 347. et Kemnitius in 2. par. Examin. pag. 987. Deinde inauditus est; ut miracula dicantur actus nostri, cum siut opera plane divina: multo etiam absurdius est, ut confiteri actus suos, sit, jactare miracula a se facta. Addi, quod causa hujus Confessionis, Luca teste, fuit ingens quidam terror ex divina ultione in eos, qui abutebantur nomine Jesu et Pauli ad quasdam: terror autem divinae ultionis, ad confessionem peccatorum, non ad predicationem proprie laudis, homines impellerunt. Denique Syriaca editio dicitur verbi reddidit, Offens.

Kemnitius loco citato duas indicat solutiones ad nostrum argumentum. Una est, quod in hoc loco Actorum agatur de confessione generali, qua Ephesi agnoscabant, actiones suas ad normam verbi Dei non congruere. Altera, quod in specie confessi sint aliqua peccata, per modum exempli, non tamen omnia.

Sed prima solutio facile refellitur. Nam in primis voces illae, *actus suos*, satis indicant confessionem factam esse in specie: nemo enim proprie dici potest confiteri actus suos,

(1) Dan. IV, 24; Matth. I, 21; Matth. IX, 2; Luc. VII, 48; Luc. XI, 4; Joan. I, 29; Act. XXII, 16.

qui solum dicit se peccatorem esse. Deinde vox Annuntio, et græce ἀναγγέλλω, qua utitur hoc loco sanctus Lucas, significat distincto aliquod narrare: et in editione Syriaca habetur vox שפָר, que idem significat quod Hebraicum שפָר saphar: proinde recte veri posset: *Numerantes peccata sua.* Denique unde cognovisset B. Paulus illos fuisse curiosa sectatos, adeo ut libros eorum comburi juberet, nisi in specie peccata sua confessi fuisserent?

Altera solutio, qua est etiam Calvini in Comment. Actor et Magdeburgensis Centur. 4. lib. II. cap. 4. col. 360, repugnat toti Scripturæ: ubique enim Scriptura, cum absolute de peccatis loquitur, de omnibus peccatis intelligi solet, et debet; et si licet expondere de quibusdam, non de omnibus, absurdissima sententia in divinis litteris inventur. Dan. 4. *Peccata tua eleemosynis redime.* Matth. 4. *Ipse enim saluum faciet populum suum a peccatis eorum.* Matth. 9. *Confide fili, dimituntur tibi peccata.* Luc. 7. *Remittuntur tibi peccata.* Luc. 11. *Dimitte nobis peccata nostra.* Joan. 4. *Ecce qui tollit peccata mundi.* Actor. XXVI. *Ablue peccata tua, invocato nomine ipsius (1).* In his et aliis infinitis locis non ponitur signum universale, et tamen nemo dubitavit unquam, quin subinteligeretur, et idem sit: *Peccata tua eleemosynis redime.* et, *Omnia peccata tua eleemosynis redime.* Quare secundum usum Scripturae confiteri, et annuntiare actus suos, nihil potest esse aliud, nisi, palam facere omnia sua peccata.

Præter hanc solutionem, quam breviter refutavimus libuit Calvinus in comment. Actor. aliquot antitheses proponere, inter confessionem horum Ephesiorum, et Confessionem, qua nunc est in uso apud Catholicos; ut videlicet ostenderet, nihil hunc locum Actorum ad rem nostram facere: « Hoc, inquit, semel legimus confessos esse: Papæ lex quotannis ut minimum repeti jubet. Iste sponte prodiuerunt: Papa necessitate omnes obligat. Lucas multos venisse dicit, non omnes: in lege Papæ nulla exceptio. Iste coram fidelium cœtu se humiliarunt: Papæ longe aliud mandatum, ut clancularis surris in aurem proprii Sacerdotis obmurmaret peccator. En quam dextre Scripturas ab probandas suas fallacias accommodent. » Haec ille.